



наведи телефон

Луимә СЭрипос

07.11.2024
№ 21 (1327)

www.khanty-yasang.ru

Основана 11 февраля 1989 года

E-mail: gazeta@khanty-yasang.ru



Т. Мерова вӑрум хури

Тынакт Ханты-Мансийскат нӑпак хаснӑ финно-угор мӑхум акван-хӧнтхатыглӑлсыт ос тӑн мӑгсыланыл сӑвсыр ханищтапыт, суссылтапыт вӑрыглавӑсыт. Тӑн рупатаныл ӧвылтыт 5 ос 6 лӧпсыгт ловиньтӑн.

Ты номерт ловиньтӑн:

Мӑньлат мир ӧт
хӧнтхатыгласыт

▶ 2

Яныг кӱщаиг
мӑ-вит ӱргалан
ос хӱл янмалтан
урыл потыртасыг

▶ 4

Сосса мӑхум
хольт касӑгыт

▶ 7

Мӑньци газетав
ловиньтылум

▶ 10

Нӧлквӑлыг ӱрнӧ
хӧтпат урыл

▶ 13

Хулың тӑнут
щӧпитан хумыг

▶ 16



Р.Н. Кухарук



Д.Н. Кобылкин

Мәһһлат мир ёт хёнтхатыгласыт

Яныг таквс ётпос 4 хёталёт «День национального единства» нампя ялпың хётал ёлыс. Ты кастыл Россия янытыл онтолов ёсыт «Знание. Первые» нампя хёнтхатыглапыт вёрыглавёсыт.

Тёнт миркол кўщаит, депутат-хётпат, учёныит, мирн вёәнэ мёхум мёһһлат агит, пыгыт ёлы-пёлт тёнки вёрнэ рўпатаныл урыл потыртасыт. Акв тамле тёла Ханты-Мансийск ёстщёпитёлвес.

Та порат округ яныг кўщаюв Руслан Кухарук, Государственный Думат депутатыг рўпитан хум Дмитрий Кобылкин ос мирн вёәнэ мёт хётпат УРФО мё янытыл ёсын ёхталам мёһһлат мёхум ёт хёнтхатыгласыт.

Яныгмам мётён ювле ёхтыс

Ёвлёт такви урётыл ос вёрум рўпататэ урыл Руслан Кухарук потыртас. Руслан Николаевич Урай ёст самын патыс, тот школат ханищтахтас. Тувыл Тюмень ёст университет ёстлас. Та яныг ёст сёв тёл рўпитас, юи-ёвыл хёт тёл Тюмень ёс миркол кўщаиг ёлыс. Ос ты тёл ёһк нётнэ ётпост Россия Президент Владимир Путинын округ

кўщай пёнтсыл рўпитаңкве паттувес. Ос сўкыр ётпос 8 хёталёт мёһ округ депутатыанув таве округ кўщаиг пёриясаныл.

Руслан Кухарук лёвыс, ёһк нётнэ ётпосныл сўкыр ётпос мус тав округув янытётыл яласастэ. Тёнт тав 13 ёсыттос 9 районытт ёлнэ мир ёт хёнтхатыглас.

Кёсың сапрёһнин мёхум тёнки тёрвитың вёрмалёныл урыл тавён потыртасыт. Тёһ халанылт сёв хётпат пёс колыт ёлёгыт, аһкёщаит лильпи кол ёнттын программа мёһ округувт щёпитёгыт. Пёс колыт ёлнэ щёмьят лильпи колыл миңкве тах патавет.

Тамле сапрёһнин СВО мёт хёнтлам хётпат рўтаныл ёс ёхталасыт. Ты щёмьят сёвсыр 33 нётмилыл тёставет. Хёнтлан хётпат щёмьяныл пёс колыт ёлёгыт ос очередин хасхатасыт ке, тёһ лильпи колыл аһкёра мивет. Ту-выл тёва хётпат хёнтлым

порславёсыт, тёһ щёмьяныл ты очередин хотшуртумтавет. Ты мёхум лильпи ёлнэ колыл ёс вос мивет, пирмайтым сёкконын ёрнэ лётың аһтах хансаве.

Сосса хётпа потре сымын хояс

Государственный Думат депутатыг ёлнэ хум Дмитрий Кобылкин ос такви урётыл мёһһлат хётпатёлы-пёлт потыртас. Ты хум сёв тёл Ямал мёт яныг кўщаиг рўпитас.

Тав лёвыс: «Ам омагум-ётягум ос мёт рўтанум пуссын геофизикиг ёлсыт, ётыл ам тёһ хольтаныл рўпитасум. Ты тёлам ёруптаслум, мўсхалыг вёрыслум.

Тувыл Ямал мёт кўщаиг паттувёсум. Тот рўпитаңкве туп ёвылтахтасум, акв сосса хётпа ёт хёнтхатыгласум. Тав аһумн акв потыр потыртас, ты юи-пёлт ам мё-вит ёргалан тёла урыл акваг номсахтуңкве патсум. Ты ёрнэ рўпатан вуйхатасум.

Сосса хётпа тёнт лёвыс, Ямалт Белый нампя мёт тёрёв кётын-паттыс. Ты яныг ёй мёхумн нас тох ат новхаты кос, тувыл сосса хётпа ёлаты хотталы

тотыстэ. Тымёгсыл таве тёһ суиң утыл тёртсаныл. Ётыл кёсаласыт, тёрёв кётланэ щар пўлиг сылталымат. Та мёт советский порат мёхум мё-вёй киссыт, сёв пормасыт тув тотсыт.

Ётыл ювле миныгласыт, сёвсыр кёр пўщкат ос мёт кёрсаквыт тот хултуптасаныл. Тёрёв та мёт ёмыгтым, вётнут кинсым тўйт хилыс, тох кётлаге ты пёс кёрытыл сылылтасаге. Таимёгыс савалым та ёлыс. Сосса хётпа потре ам сымумн хёяс. Ты юи-пёлт мёһ тёра ты мё хот-сыстамтаңкве ёвылтахтасёв. Ёвлёт туп 12 ёлумхёлас тув минасыт, ётыл пёс кёрыт акваһатуңкве сёв мёхум ялсыт.

Сёт тёл сыс мёһ та мё щар ёмашакв хот-сыстамтаслёв, сёвсыр пёс кёрыт тот нас тох воссыг ат хуиглёгыт, тот ёлнэ вёруин нёматыр лёль ат вёрёгыт.

Ты кўщай хумыг юи-пёлт Москва ёсныл ёхталам мирн вёәнэ хётпат мёһһлат агит, пыгыт ёлы-пёлт потыртасыт. Тамле хёнтхатыглап нёлёлов щёс сыс Ханты-Мансийск ёст рўпитас.

Людмила ТЕТКИНА

Мирн пәриим хөтпәт рүпитасыт

Та э́тпост округ Думан пәриим депутат-хөтпәт сапрәнияныл б́лыс, округ кўщай Руслан Кухарук тув б́с ёхталас. Овлэ́т тән савсыр ма́тт рүпитан ма́хум янытласаныл. Почётный грамота-нэ́пакыл яныгса́т арыгтем хөтпа ос ху́рум бюджетный организация майвес.

Ты сапрәни б́лум порат нила йильпи саккон пирмайтавес, мотаныт мощ мот щирыл хасвёсыт манос нас то́ва латңаныл пентвёсыт.

Яныг порс-аня хот-виве

Акв сакконт тамле тэла урыл хансым б́лы. Нижневартовск ўс ляпат сав тал сыс ма́шинан ва́рнэ шинат акван-атавет. Ань та ма́ яныг аня-капаиг ёмтыс, тув мус сав шина тот акван-атвес. Ос тав Нижневартовск ўс сака ляпат б́лы.

Ты резинаң шинат хот ат те вивет, тән яныгса́т тал сыс хот-саюңкв патэ́гыт. Та талыт сыс маныр тивранылт люль ут те б́ныщэ́гыт, таит ма́н та посэ́гыт ос ляпат овтнэ́ ян та тотавет, ят та щирыл сака па́ңктавет, айне́ вит лю́лиг ёмты.

Ань тәнаныл хот-винэ ма́гыс сав олнтув холтаве, 715 млн солкбви арыгтем. Завод тот ўнттаве, ос та пёс шинаныл дизель ва́руңкв патаве. Ты урыл потыртаманыл порат депутаты́т халанылт мощ воритотсыт. Ос тәнаныл округ кўщаюв Руслан Кухаруктох ла́выс, тәнтыт б́лнэ́ мир урыл б́с мощ вос номсэ́гыт, ма́хумн та ўст б́луңкве ёмас вос б́лыс.

Нягань ўс кўщай потыртас

Касың сапрәнит акв хотты яныг ўс кўщай ва́рнэ рупататэ́ урыл потыртаңкв ла́ваве. Ань

депутаты́т нупыл Нягань ўс кўщай Иван Ямашев сака хоса потыртас. Тав ла́выс, юи-б́выл талыт сыс ўсанылт б́лнэ́ мир акваг савми, тот йильпи школат ўнттавет, яныг пу́льница рүпиты.

Ма́хум тот ёмашкв вос б́лэ́гыт, ты кастыл ўст савсыр ўщлахтын каныт ва́равет. Пёс колыт хот-ло́сталавет, сав на́кпа б́лнэ́ колыт ўнттавет. Хотью́т таквинатэ́ ма́гсыл б́лнэ́ кол ўнттуңкв те таңхи, тьи ма́гсыл янас ма́ щёпитаве, тув найпос тотнэ́ те́рквалгы́т хартавет, вит тотнэ́ ту́рпат пинавет. Олнэ́ колыт газыл ва́равет.

Ма́нь няврамы́т ма́гыс сав садик-кол ўнттувес, ань тот щә́нит-а́щит очере́дь тал нявраманыл садикн мыганыл.

Нягань ўс «особый экономический зонаг» тох ла́ваве, ты тэла хосыт

Синергия на́мпа техно-парк-кол б́лы, тот рупитан хөтпәт тә́нти янас щирыл рупитэ́гыт – колыт ўнттын ма́гыс савсыр стройматериал ва́рэ́гыт, мебель ос мот э́рнэ́ ут ва́руңкв ве́рме́гыт. Хотью́т тот рупиты, тән на́лок-олн мощчанув ойтэ́гыт.

Иван Ямашевтох потыртас, тән ўсанылн савнув ле́ккары́т, няврамы́т ханищтан хөтпәт рупитаңкв вос ювыт, та ма́хум тән та́ра б́лнэ́ колыт мыганыл. Няврамы́т ханищтан 59 хөтпәт колыл майвёсыт, 36 квартира ос 14 колнак ле́ккары́т ма́гыс та́стувес. Ос ань ты йист тамле та́рвитуң ва́рмалин я́рмысы́т – юи-б́выл талытт тән служебный кол ёвтуңкв ат ве́рме́гыт, олн ты тэ́ла ма́гыс ат миве. Мирколаныл нупыл манасавит квартира хансым б́лы, тувыл та. Савнув те б́щнувыт, то́нт савнув э́рнэ́ хөтпа тән ўсанылн рупитаңкв ёхтынув.

Ўст б́лнэ́ мир сыстам вит вос а́ёгыт, ань тот «Чистая вода» на́мпа яныг тэ́ла хосыт вит сыстамтан утыт ва́равет, тув округ мирколныл 1 млрд 450 млн солкбви та́ставе.

Ўс кўщай рупататэ́ урыл потре округ Дума депутаты́тн ёмашакв ху́нтлу-вес ос ла́ввес, э́лаль аквты щирыл ёмашакв вос рупиты, матыр ва́рмаль те б́лы, та урыл хот ул вос ёрувлы.

Потыльма ва́рнэ ма́хум урыл

Ты урыл региональный безопасность департамент колт рупитан кўщай Е.В. Смокарев потыр щё́питас. Ма́н округувт ты саккон 2017 талт пирмайтавес. Тот тох хансым б́лы: 8.00 - 22.00 щёс мус ма́хум коланылт э́ргын ут ху́нтлуңкв ве́рме́гыт. 8.00 – 21.00 щёс мус коланылт ремонт ва́руңкв рбви. Ос 13.00 – 15.00 щёсыг сыс нэ́матыр суй ва́руңкв ат рбви, э́рың мот колт ма́нь няврам ёл-хуя́с манос яныгпа́ла хөтпәт ўщлахтэ́гыт.

Ювле ху́льтум 2021-2023 талыт сыс округув янытыл ты саккон хосыт 28 сөтыра 343 хөтпа штраф-олныл пинвёсыт. Тән 10 млн 906 сөтыра солкбви ойтсыт. Ос ты тал онтолов э́тпос сыс 2 сөтыра 463 хөтпа люль ва́рсыт, тән 1 млн 773 сөтыра солкбви штраф-олн ойтсыт.

Ты кўщай ла́выс, савың-па́лэ ма́хум э́типа́лаг ос э́ти сыс сака суйтэ́гыт, мот ма́хумн ўщлахтын урак ат мыгыт. Ос ма́тьёмас тамле саккон ма́н округувт пирмайтым б́лы, ты хосыт потыльмаң хөтпәт ос люль ва́рнэ щё́мья́т мощ уральтавет.

Ты сапрәнит мот саккони́т урыл депутаты́т б́с потыртасы́т, ос ма́н сосса миранув урыл нэ́матыр то́рың ат ла́всыт.

**Валентина
ВАСИЛЬЕВА**



Ишхипыг ма́т ви́г ху́ри

Яныг күщайг м̄-вит үргалан ос хул янмалтан урыл потыртасыг



Р. Кухарук ос Д. Кобылкин потыртэг

Яныг т̄квс Этпос
нилыт х̄талэт
округ к̄щай хум
Руслан Кухарук ос
Государственный
Думат м̄-вит үргалан
комитетыт к̄щай х̄тпа
Дмитрий Кобылкин
акван-х̄нтхатыгласыг.
Тэн м̄-вит үргалан, м̄-
шунит н̄х-винэ ос м̄т
тэлат урыл потыртасыг.

Югра м̄авт с̄ав м̄-
шунь ̄лы. Ты шунит
х̄снэ щирыл, ̄мщаквег
н̄х-виңке вос р̄выс,
сапр̄ани ̄лум порат ты
в̄рмалит т̄ра-паттысыт.
Руслан Кухарук л̄вме
щирыл, Россия м̄а янытыл
м̄ан округувт щар с̄ав
м̄-в̄й ос газ м̄аныл
н̄х-виве:

– М̄ан м̄-в̄й киснэ ос
н̄х-винэ м̄ахум ̄т акван-
н̄тхатым р̄упитэв. Ань ты
кастыл, м̄ан н̄нан м̄анки
проектанув суссылтаңке
к̄сащас̄ув. Ты в̄рмалы
щирыл м̄ан х̄лтыглан
л̄атңыт щ̄питас̄ув, тот
маньр ̄ри, пуссын х̄с-
с̄ув. М̄ан агтэв, ты хосыт
м̄-шунит н̄х-винэ р̄у-
патав к̄пнитнувег ̄мты.

Дмитрий Кобылкин ос
тох л̄авыс:



М̄ахум ̄т х̄нтхатыгласыг

– Россиявт м̄-в̄й
ос газ йильпи м̄т х̄нтэ
порат м̄ан акваг н̄тмил
в̄р̄ев. Ань Юграт м̄-вит
үргалан, норыт т̄астын
ос м̄т с̄авсыр проекты
в̄рнэ х̄тпат ̄т потра-
мас̄ув. Ты р̄упатанын
н̄ан сака м̄схалыг ̄лалы
тотылын. М̄тынтыг, хунь
̄с акван-атхатэв, ты
т̄ланув урыл ̄мщакв
потыртэв тах.

Тувыл яныг к̄щайг
м̄-вит үргалан ос м̄-
в̄й н̄х-винэ тэлат
урыл с̄ав потыртасыг.
М̄лал округувт Х̄ль̄ус
ос Белоярский районул
лүйм̄а ̄р нупыл х̄свесыг.
Ты ащирмаң м̄акегт с̄ав
шунь х̄нтвес.

Ань округ к̄щаянув

законопроект щ̄питасыт.
Ты в̄рмалы щирыл тот
тының ахвас киснэ ос
н̄х-винэ м̄агыс олн т̄с-
тунке патаве. Ты районул
палт пуссын аквагт 166
млн. тонна с̄авиткем м̄-
в̄й, 50 млрд. кубометра
с̄авиткем газ ̄с ̄лы. Тыгыл
̄лалы геологоразведкат
р̄упитан х̄тпат тот м̄-
шунит кинсуңке патэгыт
тах. Хотьют такви олнанэ
пиным тот р̄упитаңке
к̄сащи ке, т̄ан н̄тавет
тах.

университетн ялсыг. Тот
ректорыг р̄упитан хум
Роман Кучин, научный
лаборатория т̄энатэн
суссылтас. Ань м̄а янытыл
акваг м̄алтыгыг ̄мты.
Та лаборатория хосыт
м̄аньлат м̄ахум яңкылмат
ос м̄-витув акваг ураль-
тым ̄ньщияныл, нумыл
сунсыгыяныл, манхури-
паг ̄мтэгыт, ханищтыя-
ныл.

Тувыл «Иртыш индус-
триальный» нампа науч-
но-исследовательский
экспедициян ялум х̄т-
пат т̄анки р̄упатаныл ̄с
суссылтасаныл. Ты экспе-
диция яңк н̄тнэ ̄тпос
10 х̄талныл ос л̄пта
̄тпос 6 х̄талэ мус ̄лыс.
М̄лалнув Югорский уни-
верситет уч̄еныит ос
студентыт Иртыш я витэ
уральтым ялсыт. Иртыш
яв Китай м̄аныл овты,
Казахстан т̄ра мины,
тувыл уцта Россиян паты.

Р̄упатаныл ̄стум ̄лы-
п̄лт яныг к̄щай хум
Дмитрий Кобылкин л̄авыс:

– М̄ать̄емас округт
«Карбоновый полигон»
нампа м̄-вит уральтан
м̄а щ̄питавес. Тув с̄авсыр
ищхйпың утыт т̄уцтув̄-
сыт, уч̄еныи х̄тпат м̄а ак-
ваг уральтым ̄ньщияныл.
М̄ав ̄лалы хумлег ̄мты,
та в̄рмалы хосыт ань
молях т̄ра-паттуңке
р̄ви.

Округ к̄щай хум л̄авыс,
ань тыи ос м̄т проектыт
Государственный Думат
м̄-вит үргалан комис-
сиян хансым х̄тпат к̄-
щаяныл ̄т ̄лалы тотуңке
патыяныл.

К̄щай х̄тпаг Руслан
Кухарук ос Дмитрий
Кобылкин Югорский

Округ мирколныл
к̄етым л̄яххал
Николай МЕРОВ
толмашластэ

Нэпак ловиньтан порат хөтпа номтыңыг ёмты

Югра мāt мәнъ таквс этпос юи-өвил хөталанēt нэпак хаснэ финно-угор мāхум акван-атхатыгләлсыт. Тән Карелия, Коми, Марий Эл, Мордовия, Удмуртия мāныл, Архангельский ос Мурманский областьныл ос сāvсыр мōт ұсытныл тыг ёхталасыт.

Ищхйпың ут хосыт тән ётаныл Венгрият ос Чехият өлнэ учёныит потыртасыт. Ань тәланыл хумле өлэгыт ос маныр ёмас тәла элалъ вāруңкве рбви, пуссын ты өвилтыт аквёет лāтың хұлтсыт.

Тән ётаныл ищхйпың ут хосыт Мария Захарова, РФ Министерства мōт хōн мирыт мāгыс ляххал тотнэ кұщай нэ, пащалахтас. Ос финно-угрыт урыл лāвыс, тыи акв рұтыг өлнэ мирыт сāv нотыт сус тәнки пēs наканыл, щāнь лātңаныл элалъ тотнэ ос сымыңыщ өлнэныл мāгыс Россия мāv тākмалтыяныл. ФАДН, ЮНЕСКО, «Северный Форум» колытныл кұщайт өс пащалахтасыт, тувыл ёмас рұпитан вāрмалит урыл лāтың кётсыт.

Руслан Кухарук, округу в кұщай, потре тав вāңын нэтэ Елена Майер ловиньтастэ. Ос нэпак хаснэ, тāратан вāрмалит, сасса мāхум щāнь лātңаныл элалъ тотнэ нак өвилтыт потыртас. Тамле вāрмалит грант-олныл ос премиял щёпитавёсыт, мāньлат агит-пыгыт щāнь лātңаныл вāнэ мāгыс Нижневартовск ос Сургут университетыг финно-угорский лātңыл толмашлан хөтпат ханищтаңкве патэгыт.

Тувыл тамле вāрмалит

щёпитан ос пұмыщ потрыт хаснэ мāгыс Еремей Айпин мүйлупсал майвес. Овил хөталт тав «Птичка на голове» йильпи нэпакёт пōслым хурит суссылтавёсыт. Хурит Ксения Аврамова, Санкт-Петербургыт өлнэ āги, тув пōслысанэ.

Еремей Данилович финно-угор мāхум акван-нётхатнэ ос юртыңыщ өлнэ вāрмалъ өвилтыт лāвыс. Ань «Союз писателей России» намба организацият ос мōт сāvсыр союзытыт 263 финно-угрыт хасхатым өлэгыт.

Тән āти пуссын щāнь лātңыл потрыт ос стихыт хансуңкве вёрмёгыт, тōват туп руш лātңыл хансэгыт. Ань финно-угор нэпак хаснэ мāхум рұпатаныл ёмшакв ос мāкыг элалъ тотнэ мāгыс мōлты тāлт Ассоциация вāрсыт.

Кāсың мāнанылт тәланыл хумле щирыл өлэгыт, тот пуңктотнэ ос нэпак хаснэ хөтпат потыртасыт. Светлана Архипова Марий Эл мāt мāньлат мāхум ёт рұпатаныл урыл лāтың вāрыс, Виктория Сязи Югравт хантыт ос мāньщит маныр номтыл өлэгыт, таи тāра-паттыс.

Карелияныл өлнэ нэ Елена Пиетиляйнен «Лүймә» намба журналэ урыл потыртас, Татьяна



М. Захарова паща лāтың лāви



Е. Серасхова, М. Двинянинова, Д. Хомюк, Г. Ларионова

Швецова эрзя ос мокша лātңыл хансым нэпакыт урыл. Удмуртият маныр өвилтыт потрыт хансэгыт, ищхйпың ут хосыт Пётр Захаров хұлтыс, саран ос руш лātңыл хансум потрыт урыл Андрей Попов лāвыс.

Тувыл «Ассоциация финно-угорских писателей» кол пāлыл «За вклад в развитие финно-угорской литературы» мāгылн тагатан пōсыл Надежда Геннадьевна Алексеева майвес. Тав Уй ййквнэ накыт элалъ тотнэ мāгыс эрнэ рұпата вāрыс. Акв тамле пōсыл Мария Вагатова (Волдина) ос Курбан Княз Гочах оглы майвесыг.

Коми мāныл өлнэ Андрей Попов, Карелияныл Яна Жеймотелите ос Елена Пиетиляйнен, Мордовияныл Татьяна

Швецова ос Марий Элныл Светлана Архипова пōсыл мүйлуптавёсыт.

Нилахуйплов хөтпат пұмашипа лātңың нэпакыт майвёсыт, тән халанылт мāньщи литература элалъ тотнэ мāгыс Мария Двинянинова, Вадим Речкин, Сергей Ремезов ос Александра Васильева өлсыт.

Тувыл нэпак хаснэ мāньлат блогер-хөтпат мāгыс ханищтап щёпиталвес, ты мāхум халанылт өс кассыт. Акв касылт Надежда Молданова нōхпатыс.

Финно-угор лātңыл нэпакыт хаснэ мāхум рұпатаныл өвилтыт потыртан ос ханищтахтын щёсыт минэ мāгыс Нефтеюганскын ос Сургутын тотыглавёсыт.

Тамара МЕРОВА



«Югорика» нампа касыл урыл потыртасыт

Касылт нӧх-патум хӧтпат янытлавёсыт

Нэпак хаснэ финно-угор мӧхум Ханты-Мансийскат нэпак ловиньтан яныг колт акван-хӧнтхатыглӧлсыт. Ӧвыл хӧталт тӧн «Югорика» нампа суссылтап суссыт.

Та юи-пӧлт культура департамент кӱщай нэ Маргарита Козлова тӧн ӗтаныл пашалахтас. Тав лӧвыс: «Мӧн XI щёс «Югорская книга» намаим суссылтап вӧрӗв. Ос мӧн тох номсэв, мӧхум йильпи тӧратым нэпаканувтыл акваг пӱмшалахтӗгыт, таимӧгыс мӧн ты тӗла ӗлалы тотылӧв. Потрыт ос стихыт хаснэ финно-угор мирыт, нэпак тӧратан ос ловиньтан колытт рӱпитан хӧтпат пуссын акван-нӗтхатым ос юрщхатым ӗрнэ рупата вӧрӗгыт.

Тынакт «Щӗмья» нампа проект тармыл хӱлтым тӗлат хосыт нэпак ловиньтан вӧрмалы, потрыт хаснэ хӧтпат ос нэпак тӧратан колыт хотмус ӗлалы нӗтуӧкве патавет. Тох ӱсытыт ос пӧвлытыт нӧврамыт мӧгыс нэпак ловиньтан колыт щӗпитавет, мӧнӧлат ӧгит-пыгыт сӧвнӧв ӧс вос ловиньтӗгыт. Ань «Югорика» касылт финно-угор мӧхум

касунӧкве ӧс вӧвсанӧв. Мощӗртын ты тӧлт нӧх-патум хӧтпат наманыл лӧвавет».

Ань лов тӧл сыс ты касылт сӧв щёс каснэ ос нӧх-патум колыт пӱмшалахтӗгыт лӧввёсыт ос ӗсгын нэпакылыт майвёсыт – тыи Мӧ-вит ос Ӓлум-хӧлас музей пӱмыщ нэпакыт тӧратаме мӧгыс, Югорский государственной университет онтолов щёс нэпаканыл суссылтапн кӗтыглӧлсаныл ос Ӓс-угорский институт рӱпитан хӧтпат сӧв щёс нӧх-патыгласыт. Ты тӧлт туп тӧн йильпи тӧратам 21 нэпаканыл тыг суссылтапн кӗтыглӧлсаныл ос Ӓс-угорский институт рӱпитан хӧтпат сӧв щёс нӧх-патыгласыт. Ты тӧлт туп тӧн йильпи тӧратам 21 нэпаканыл тыг суссылтапн кӗтыглӧлсаныл ос Ӓс-угорский институт рӱпитан хӧтпат сӧв щёс нӧх-патыгласыт.

Аквта хӧталт журитан хӧтпат акван-хӧнтхатыгласыт ос рӱпитасыт. Мӧт мӱй мӧхум «Ам лӧтнум, ам щӧн лӧтнум» кит йильпи нэпакыг ӧвылтыт потыртапн кве вӧввёсыт. Тув 37 авторыт потрапыл ос стиханыл хасвёсыт. Тӧн пуссын сӧвсыр

финно-угорский мӧт, Архангельский, Мурманский областигныл ӧлӗгыт ос акв нэ Чехият ӧлы. Ань тӧват тӧнки номтаныл потыртапн кве вӧввёгласыт.

Карелияныл ӗхталам нэ Яна Жемойтелите мӧн-лат хӧтпат ӗт стихыт ос потрыт хаснэ тӗлат урыл потыртас. Мордовия мӧт ӧлнэ нэ Татьяна Швецова ӗрзя ӧгит урыл стих ловиньтас. Алёна Шомысова саран лӧтнум «Ки» («Кӧт») стихотворенитӗ ловиньтастӗ, ань рӱтыг ӧлнэ мӧхум таве ӗмшакв торгамтасыт.

Мӧнщи ӧги Александра Васильева «На берегах Вольи» нэпаке урыл мощ потыртас. Ханты ӗква Мария Кузьминична Волдина сака щӧгтым ос ошатахтым ӧлыс, тыи тав хансум стихӧныл вим лӧтнум. Мурманский областыныл ӗхталам нэ Хомюк Домна сӧлы ӱрнэ хум урыл саам лӧтнум ӗрыг ӗргыс.

Мӧтыт хӧталт ӗтипӧла нӧх-патум хӧтпат намапыл тӧра-паттувёсыт. Тох «Щар ӗмас мӧк ловиньтан нэпак» номинацият

Ольга Геннадьевна Быстрыкова «Ю.К. Вэлла. Избранное» нэпаке мӧгыс дипломыл ос пӧсыл мӱйлуптавес. «Щар ӗмас общественно-политический нэпак» номинацият Ханты-Мансийскат нэпак ловиньтан яныг кол «Митрофан Алексеевич Тебетев: путевой блок-нок» хансум нэпаканыл мӧгыс нӧх-патыс. «Щар ӗмас хаништан нэпак» номинацият «Научно-издательский центр «ИНФРА-М» Москватӧлнэ кол дипломыл майвес. Тав «Литература финно-угорских народов России» нэпак щӗпитас. «Щар ӗмас научный нэпак» номинацият ХМАО-Югра янытыл пӗс накыт ӱргалан служба-кол «Ханты-Мансийский автономный округ в зеркале прошлого, Березов: первый русский город Югры XVI-XVIII веков» нэпаканыл мӧгыс нӧх-патсыт.

Ты коныпал «Югорика» касылт рӱпитан кит нӧг ӗсгувесыг. Тӧн Маргарита Козлован пӱмшалахтӗгыт лӧтнум нэпакылыт майвёсыг, аква тӗ – Коммунистический пӧвлыныл ӗхталам нэ Рыжанкова Марина Борисовна, мӧтанэ ос Советский ӱс нэ Надымова Елена Владимировна.

Тамара МЕРОВА

Сосса махум хольт касэгыт



О. Хатанев агит янытлыяңэ

Мән округув янытыл олнэ нъяврамыт акв маңыл элалъ поргуңкве, ошща ййвобыл ёт хайтыгтаңкве, сәграп пәхвтуңкве, тыньшаң рёпыгтаңкве ос сәлың сун ұлтта поргуңкве сәв тәл сыс ханищтавет. Ос ёмащакв каснэ агит, пыгыт халанылт касуңкве кәсың таквсы Сургутский районын ос кәсың тўя Нижневартовский районын тотыглавет.

Юи-бвыл тамле касыл ювле хультум этпос котиль хоталанэт Сургутский район Барсово ос Белый Яр пәвлыгт олыс. Тонт 114 нъяврамыт тот акван-атыглавёсыт. Ты касылыт пуңкоттнэ хотпаг Олег Хатанев рупиты. Ты маңыщи хум ёт хонтхатыгламум порат ам «северное многоборье» нампа касыл урыл китыгласлум. Тав таи потыртас:

Сәв нъяврамыт сосса махум хольт касуңкве кәсәщёгыт

– Сосса махум щирыл каснэ нъяврамыт кәсың тәл сәвмёгыт, ань округ янытыл 800 арыгкем агит-пыгыт тох касуңкве ханищтахтэгыт. Ёмащакв каснэ нъяврамыт ос маңьлат хотпат «кандидат в мастера спорта» ос «мастера спорта» яныг

намыл мивет. Тамле эрнэ тәла магсыл касуңкве тән сака кәсәщёгыт. Маңьлат хотпат ты нам ке оныңёгыт, рупатанылт сәвнув олныл ойтает.

Овлэт пыгыт кассыт, ань агит ос тув вёвыглавет

Ань агирищквет пыгыт хольт ат дисциплинат касэгыт. Ты элы-пәлт тән сәграп ат пәхвтысыт ос тыньшаң ат рёпыгтасыт. Тувыл сәграп пәхвтуңкве ләввёсыт, юи-бвыл тәлыт тыньшаң рёпыгтаңкве патсыт. Правила щирыл кәсың командат 15 нъяврам олы. Акв командат тән хурум группа 11-13 тәл, 14-15 тәл ос 16-17 тәланыл щирыл уртым олэгыт. Кәсың группат хурум пыг ос кит аги.

Сургутский район Барсово ос Белый Яр пәвлыгн сәвсыр районы-

тыл ос ұсытныл лов командат кассыт. Ань туп Белоярский район Касум пәвылныл нелолов нъяврам ёхталасыт. Тән мощца олныл майвёсыт, тыммагсыл команда пуссын ат тотвес.

Сәв тренер-хотпат рупитэгыт

Ань округув янытыл нъяврамыт сәлың сун ұлтта поргуңкве ос мот щирыл касуңкве ханищтавет. Тренер-хотпат олэгыт, маңьлат хумыт ос кос рупитэгыт. Тувыл ань тох олы, тән ханищтан нъявраманыл нөх ке патэгыт, тонт сәвнув олныл ойтает. Сәлум олнаныл тыщирыл ты ловиньтавет.

маңьлат хотпат олэгыт, нъяврамыт ёт рупитаңкве хәсэгыт, сәвнув олныл ке ойтвёсыт, ёмаснувег олнуг.

Яныг ұс ляпат хәра ма мощца

Ань ос акв тәрвит олы, маң сәв тәл сыс таквсы нъяврамыт Сургутский район Солнечный пәвылн вёвыгласанұв. Тот ёмас хәра ма олыс, ань тот сәв яныг кол-капаит ұнттыгпавёсыт. Тыммагсыл ань нъяврамыт сәграп пәхвтуңкве, тыньшаң рёпыгтаңкве Белый Яр пәвылн тотыгласанұв. Ты пәвылквет пуссын Сургут ұс пөхат олэгыт, тамле хәра ма ань тот сака мощца.



Пыг тыньшаң рёпыгтаңкве щёпитахты

Тыммагсыл тәва хотпат пөхын минэгыт ос мот рупата кинсэгыт.

Нефтеюганский район Пойковский пәвылт олнэ хум Максим Нигаматуллин маңь тәгыл сосса махум щирыл кассыс, акваг нөх-патыглас. Яныг ёмтыс, нъяврамыт ханищтаңкве такви вёрмынуг. Тувыл ты рупатан ат вуйхатас, ма-вөй нөх-винэ компаниян патхатас, тот сәвнув олн сәлы. Тох таи

Тувыл Сургут ұсныл та палыт маң тасәвит нъяврамыт тыгле-тувле тотыглаңкве сака хоса. Тэлы порат тай ёмас, касыл ке вәрыгләв, тўр манос ят каснэ ма щёпитэв. Таквсы ос тўяг тамле хәра ма хонтуңкве ань ат вёрмөв.

Людмила
ТЕТКИНА

Хащтәл ләтңыл ләвнә кол



И. Никонова

Белоярский үсн җхталам кәркам соссә мәхум акв пұмыщ колн тотыглавёсыт. Хащтәл ләтңыл тав «Коворкинг-Чумыг» ләваве, тый матыр тәлат вәрнә порат мәхум потыртахтым тув җхталәгыт ос тот ұнлым рүпитәгыт.

Тот матыр әрнә утыт пуссын бләгыт, туп рүпата щёсыт мәгыс оln ойтнә матсәвитыл ләвавет. Ань та колт пунктотнә нә Ирина Никонова мүй мәхум җт пащалахтас ос тох потыртас:

– Мән ты колув 2022 тәлтпәлыг-пүсвес. Ты элы-пәлт 2021 тәлт туй мән некоммерческий организация вәрнәв мәгыс нә-пакыл майвесүв ос яныг таквс җтпост центр-кол вәрнәв мәгыс губернатор грант-олныл тәстувесүв.

Өвләт мән тыт туризм тәлат элалы тотнә щирыл рүпитасүв. Белоярский район янытыл блнә предпринимателит, культурат рүпитан хөтпәт тыг акван-атхатыглаңкве патсыт. Тыгыл элалы мән колувт мәхум рүпитанә-ныл сыс оln ойтнә мәгыс вәрыслүв.

Тыт сыре-сыр ханищтапын 30 сәвиткем элум-хөлас акторыг атхатуңкве вөрмәгыт ос тәванакт мәхум нас ұщлахтуңкве, пәслахтуңкве тыг щалтсәгыт. Та сыс мән сәвсыр суссылтапыт щёпитәв, мән таквс җтпост «Югорская ярмарка ремёсел» ханищтап блыс. Кәсың мүй хөтпә тыт мәщтыр кәтыл вәрум пормас җвтуңкве вөрми, ты пормасыт такви намыл, хащтәл ләтңыл ләвнә «бренд» оныщёгыт.

Нән ань тыт Белоярский районт блнә мәщтыр хөтпәт вәрнә сыре-сыр пормасаныл хөнтәгын. Кос выгүв, «У Петровича» бренд намыл пиным пормасыт.

Мән Белоярский район кұщажув Сергей Маненков ищхыпың ут хосыт тәнут пәйтнә урыл

вәти кина пәслы. Мән тәнут пәйтнә порат элум-хөлас маснә маснутытн Сергей Петрович хуритә тув пәслуңкве патыслүв.

Ты элы-пәлт, вәим, такви кәсащан ләтың ләвыс ос мән үсүв нам хөталә янытлан порат партукыт, кәнтыт, пұтыскаст вәрсүв. Төнт ты пормасанув тәра җвтвёсыт.

Ань үсүвт ос районт блнә мәхманув кәтыл вәрнә пормасаныл тыг тотәгыт ке, мән тән бвылтыт потыртәв ос вәрнута-ныл бс тах тыналыянүв. Ты тәлт мән кит тәлагув мәгыс нөх-патсүв.

Тый «Культурная мозаика», тав Белоярский район янытыл тревел-блок вәрнә мәгыс щёпитаслүв. Тот хотталы яласан ос кәсалан мāv вәти кинан ке пәславе ос матыр потыртым мәхумн суссылтыяныл ке, җмас блнүв.

Китыт проект – тый Президентский фонд пәлыл культурный инициативат нөх-вөрмалтан мәгыс блы. Тый Белоярский үсүв ос районув сāv мәхумн вәнә мәгыс әрнә тәлат щёпитәв.

Ань мәхманув мәгылн тагәтан пөсыт ос маснутыт тармыл пөслын хурит мәнәвн суссылтаңкве ләвьянүв. Мән тән пормасаныл, маснутаныл эл тыналаңкве патыянүв.

Тот мүй мәхум нәтнә пунктөрыт кәсаласыт. Төва төрыт Югра мāt яныгман пилытыл ос ұйхулытыл хорамтым блсыт. Тамле ярмак төрыт Аләна Черкашина дизайнер-нән номылматым вәрвёсыт.

Ань акв хотты хури акторыг яныгсәт тамле төрытын пәславет ос эл тыналавет. Сыре-сыр



Нәтнә пунктөрыт



төрыт ищхыпың ут хосыт хөнтуңкве бс вөрмәгын, тот тав «Alena Cherkashina» наме щирыл кисхатән. Аги Белоярский үст самын патыс, җтыл щёмятә Ханты-Мансийскан вәнтлыс.

Ирина Никонова ты центр-кол мәнәлат мәхум пұмщалахтуңкве вөвьянә, тән матыр-әти ляххалыт «Коворкинг-Чум» ищхыпың лөпсанылт хөнтуңкве вөрмәгыт. Ань кәркам соссә нәт вәңкве патсыт, тән тәнки кәтыл вәрум пормасаныл тәнки намыл пинуңкве ос тыг миңкве вөрмияныл.

Тамара МЕРОВА

Сав тал сыс акв тэла вярнэ колтәглыт

Мәнь таквс этпос 25 хөталт Ханты-Мансийск үст блнэ Государственный архив Югры колт сав тал сыс акв тэла вярнэ колтәглыт янытлавёсыт. Ты тэла руц щирыл тох намаим блыс: «Трудовые династии – земли Югорской достояние».

Ты тал колтәглыт янытлан талыг лаввес, таимәгыс архив колт савсыр суссылтапыт вәрыглавет, ань ос сав тал акв тэла вярнэ мәхум янытлавёсыт. Тынакт ат колтәгыл бвылтыт потыр блыс – Белоярский район Касум павылт блнэ **Тарлиныт**, тән мәхманыл пёс тагыл сәлы үрим блэгыт, тувыл Хальүс район Саранпавылт блнэ **Хозяиновыт** ос **Кустышевыт**, тән бс сәлыңколың мәхум, хурмит колтәгыл – **Алимовыт-Черновыт-Матюховыт**, тән Хальүст блэгыт, товлыңхәпыл яласан тэла палт рупитэгыт, нилыт – **Черкашин** бпарич нам бщнэ хөтпат, тән вәңнаныл пбсың мәхум, атыт колтәгыл – **Пуртовыт-Фоминыт**, тән ос няврам ханищтан хөтпат, Ханты-Мансийск үст блэгыт.

Архив колт эрнэ нэпакыт тармыл пуңктотнэ нэ **Лидия Яковлевна Просяник** лавыс:

– *Түяг мән лавсус, сав тал акв тэла вярнэ колтәглыт архив колн эрнэ нэпаканыл ос хурияныл вос кетяныл, мән ты суссылтап щёпитэв, тән бвылтыт потыртаңкве патэв. Ат колтәгыл эрнэ нэпаканыл кетсаныл, кәсыңаныл потыртасыт, мәхманыл пёс тагыл ос ань тыхөтал мус хөт рупитасыт ос тот рупитэгыт. Төват танти пормасаныл мәнавн мүйлуптасаныл, тыт архив колт вос бньщиянүв, мирн сусылтыанүв.*

Ты, вәим, сака эрнэ тэла,

тав нас хот-ёрувлавес, хус ман вәт тал нэмхотьютн ат пүмщалавес, ты урыл нэмхотьют ат номсыс. Ань округ блнэ мәхум китыглахтуңкве патсыт, лавёгыт, ты мәт блум мәхум бвылтыт вос потыртэв, хөт рупитасыт, хөнтлысыт. Соль, рупата – ты нас тэла хунь, хөтпа вәрум тэлатэ эруптытэ, тувыл рупитанэтэ коньпал, мәнлат мәхум ханищты. Төванакт тэлатэ такви нявраманән элаль тотаве, тән тувыл бс акв-тох мәнлат хөтпат ханищтэгыт.


Мән номсэв, ты вәрмалюв элаль мины, округ блнэ мәхум мәнавн эрнэ нэпаканыл ос хурияныл кетүңкве патяныл, мән тыт пуссын акван-атя-нүв, суссылтапыт вәруңкве патэв.

Тувыл ань ты лавылтам ат колтәгыл мәхманыл акв-кит ләтың лавсыт, акв тэланыл манах тал вәрияныл, рүт хөтпаныл хөт рупитасыт, ань элаль хотьютаныл рупиты. Тән потраныл хүнтлуңкве сака пүмыш блыс.

«Төрүм Маа» музей күщай нэ **Людмила Александровна Алфёрова** лавыс, сосса мир халт сав тал акв тэла вярнэ колтәгыл сака сав – хул алыщлан ос вбраян мәхум, сәлы үрнэ хөтпат. Тән эрнэ нэпаканыл акван-атяныл те, тыг кетяныл, тонт мән сав колтәглыт бвылтыт хүнтмлэв, вәңкве патэв. Ты колт рупитан хөтпатн



Н. Заболотнев ос Л. Просяник



Хурит суссылтап



Акван-атхатыглам мәхум

лавыс, матёмас ты тэла вәрияныл, мәхум тах танти рупатаныл ущпылнэг ёмашакв вәруңкве ос эруптаңкве патяныл, пёс мәхманыл, рүтаныл урыл савнүв вәңкве патэгыт.

Округ янытыл архив-колыт тармыл күщай вәңын хөтпа **Наталья Александровна Захарова** акван-атхатыглам мәхум нупыл ёмас номтыл потыртас, Государственный

архив Югры колн эрнэ нэпакыт ос хурит кетум колтәглыт янытласанэ, тәнанылн пүмашипа ләтың лавыс.

Ты архив кол күщай хум **Вячеслав Михайлович Комаров-Распутин** колтәгыл хөтпат бс янытласанэ, нэпакытыл мүйлуптасанэ.

Светлана
РОМБАНДЕЕВА

Мәһһи газетав ловиньтылум

Ты таквсы Ханты-Мансийск үсувт татем ёмашакв ёвылтахтас, тыг ань «Торум Маа» музейн сасса мэхманув сав мәһһи ёхталасыт. Музейт щаквщин пормасыт ос тән ураныл потыртан мәһһи семинар вәрыглавес.



Н.П. Пузина тән вәри

Атхатыглам мэхһум халт мәһһи нә олыс Надежда Петровна Пузина. Тав ётә потрамасум, тәланә урыл китыглахтасум. Нән ань элаль Надежда Петровна потре ловиньтәлбн.

– Ам ты семинарн Хәльүһһи ёхтысум, мэхһум пәля пунһи сәтап вәруһһи ханищтыанум, тувыл тах пормас сагуһһи патәв. Хәльүһһи ам «Хөталакв» садикт рүпитәгум. Пәвлувт культура кол олы, тув ялантәгум, мәһһи ос ханты нәквет ёт щаквщәв, пәс щирыл йонсхатәв.

Тынакт та кол күщай нә Калерия Акрамовна Супрун ләвһи, Ханты-Мансийск үст семинар вәраве, кәсәщәгум те, вәс яләгум. Ам ләвһи, яләгум, тыг та йисум.

Ты сака пүмһи хөһһи хатыглап, мир сав мәһһи ёхтысыт, халанувт потыртәв, тувыл щаквщәв, ханищтахтәв. Овыл хөһһи потрыт хөһһи, сака пүмһи олыс. Акв хум

сәграп урыл потыртас. Мән яныгмамув порат, номилум, пәвланувткәһһи колт оһһи акваг сәграпыт оһһи – нәһһи сәгруһһи, матыр сәгращлаһһи, пум вәһһи мән минәв, ёт янас сәграп тотәв.

– Надежда Петровна, наһһи хотыл оләһһи, хөһһи яныгмасын?



Н.П. Пузина

– Ам Саранпәһһи 1966 тәлт мәһһи таквс әтпос 25 хөһһи самын патсум. Омам Анна Никоһһи, такви оһһи намә Мурдасова. Ащөһһи Хулюһһи пәһһи оһһи Никон Елиһһи Мурдасов. Хуһһи анәквәм ёт акван-минәһһи, Пувлах пәһһи вәһһи, тот оһһи. Омам Сүкырят ханищтахтас, интернатт оһһи. Атям ёт ул тот хөһһи акван-хөһһи.

Атям Пётр Ильич Пузин Яһһи пәһһи самын патыс, тот яныгмас. Школа әһһи юи-пәлт армиян яһһи, Хабаровскыт лусытас, тувыл Яһһи пәһһи нәһһи минә колт рүпитас. Атям рүт сав оһһи, ляпа рүтанув – Анямовыт, Сайнаховыт, Тасмановыт.

Омагум-әтягум акв-хуйплов нәһһи яһһи яһһи. Хуһһи Аля увщим самын патыс, Саранпәһһи вәһһи, атяв тот кол үһһи. Сарапәһһи яныгмәһһи, школат ханищтахтәһһи. Хуһһи колув пәһһи ёһһи, Вова әһһи та мәт мөт кол үһһи, ань тот оһһи.

Ам Ханты-Мансийск үст оһһи педучилищат воспитателиг ханищтахтасум. Төһһи хотты мән нас кәтавәв рүпитәһһи, ам Хәльүһһи минуһһи ләвһи, тот садикт мәһһи нәһһи ёт налыман нупыл нәһһи тәһһи рүпитәгум. Акв пыг яһһи, намә Дима, тав ань Нягань үст оһһи.

– Наһһи ләһһи татем ёмашакв вәһһи, омагынаһһи юһһи улпыл мәһһи ләһһи потыртасын.

– Омам, атям ос анәквәм юһһи акваг мәһһи ләһһи потыртасыт. Омав мәнәһһи сака сав мөһһи мөһһи. Мәһһи оһһи, ёһһи тав әһһи мус та мөһһи – Тәнварп әквә, Миснә, Мөһһи, Порнә ос Моһһи, Әквә-пыгрищ урыл сав мөһһи, тувыл Хөһһи Кәһһи пүһһи оһһи, тамле мөһһи мөһһи.

Аһһи тай нәһһи ёт потыртаһһи, ләһһи ёһһи патвәс, нәһһи ёт аква руһһи ләһһи потыртәв. Мәнәһһи тох вәһһи әһһи акван-хөһһи, мәһһи ләһһи потыртаһһи. Мәһһи ләһһи тәһһи ат рөһһи оһһи, мөһһи соһһи, сака сәһһи.

«Лүймә сэрипос» газета ёһһи, ам тавә ловиньтылум. Тувыл телевизор хөһһи передатат сунсәгум, Раиса Гаврильчик потыртәһһи, амти ләһһи хөһһи. Радио хөһһи ос Евдокия Хөһһи потранә хөһһи.

Газета ловиньтан хөһһи ләһһи, пүһһи вәһһи оһһи, нәһһи ос мәһһи хөһһи ләһһи вәһһи ханищтыаныл, Торум ёт, Отыр ёт вәһһи!

Светлана
РОМБАНДЕЕВА

Мāнь ййвыт тыналан мāгсыл янмалтэгыт

Ань мā-вōй нōх-винэ ос вōр сāгрин организацият рўпитан мāхум ййвыт хот ке сāгрисяныл, мōт мāнь ййвыт ўнттуңкве лāвавет. Тамле мāнь ййвыт тāн питомник-мāt ёвтэгыт.



С. Пронская

Акв тамле мā Свердловский область Артемовский ўс ляпат блы, руц лātңыл «Сарафановский питомник растений» лāваве. Тот рўпитан нē Светлана Пронская мāнь ййвыт янмалтан тēла урыл потыртаңкве ты таквсы Ханты-Мансийск ўсн ёхталас. Тōнт округув янытыл рўпитан вōр ўргалан мāхум сапрāнин тыт акван-атыглавёсыт. Та порат ам Светлана Пронская вōр янмалтан вāрмальурылкитыгласлум.

– Светлана Владимировна, Югра мāt рўпитан мāхум сāv мāнь ййвыт ёвтэгыт?

– Вōр сāгрин манос мā-вōй нōх-винэ мāхум

тыт сāv блы, тāн мāнь ййвыт вāтихал ёвтэгыт. Ань сākкон щирыл вōр сāгрин мāхум мансāвит ййвыт ёл-сāгрисяныл, аквта сāвит ўнттуңкве лāвавет. Таквсы ос тўя – мāнь ййвыт ўнттын пора, тōнт аквторыг сыс 4-5 яныг мāшинат Югра мāн кētэв. Тōва порат таквсы сāvнув, мōт порат – тўяг сāvнув ёвтэгыт. Лесхозыт рўпитан мāхум мāн палтув бс ёвтхатэгыт, тāн вōр нāйн ёсым мāt мāнь ййвыт ўнттэгыт. Мāн сāvсыр нирщахлыт, нētнэ лўпатат элаль тыналан мāгсыл бс янмалтэв.

– Мансāвит хōтпа ты рўпата вāррегыт?

– 150 хōтпанув ййвыт янмалтым рўпитэгыт, тāн пуссын вōр ўргалан университетыт ханищтахтасыт. Хоты ййвыт, нирыт, лўпатат тыт янмалтаңкве рōви, мансāвит витыл сōсуңкве, хумус мātэ ёмашакв щēпитаңкве, мансāвит щēр пинуңкве ос сāv эрнэ тēла ёмашакв вāганыл. Мōтаныт Россия янытыл олнэ мāхум ёт потыртахтэгыт ос мāнь ййвыт тāнанылн тыналэгыт. Мāн мāшинат оңыщев, мāнки тув кетыянўв.

Мāн лов тāl тох рўпитэв. Мāнь ййванув янмалтан мāгсыл 700 гектар хāра мā оңыщев. Ос та пōхат олнэ яныг тўр бс мāн нупылув хансым блы, вит тувыл выгув. Рўпатав



Ишхйлыгн мāt-вйм хуриг

урыл пўмшалахтаңкве питомник-мāн акваг сāv мўй мāхум ёхталэгыт, нйврамыт экскурсиян бс вāтихал тотыглавет.

– Тарыг, ховт, ўльпа пāквсамыт нāнки вōрт атэгыт манос ёвтэгыт?

– Рўпитан хōтпанув пāквсамыт вōрт тāнки атэгыт, туп тōва ййв самыт лāпкат ёвтэв. Акв тāl сыс мāн 10 млн мāнь ййвыт, нирыт, сāvсыр нētнэ лўпатат янмалтэв, тувыл Россия янытыл тыналэв.

– Мāнь ййвыт хоса яныгмёгыт?

– Акв ййвыт хāра мāt, мōтаныт теплицат ўнттыянўв. Кон яныгман тарыг кит-хўрум тāl ос теплицат акваг-кит тāl сыс тыналан мус янмалтыянўв. Ховт хāра мāt хўрумнилатāl яныгми, теплицат – кит-хўрум тāl оңыщи-

лўв. Ты юи-пāлт уц элаль тыналыянўв. Ты пора сыс акваг уральтыянўв, мāнаныл хилыянўв, витыл сōсантыянўв. Ййвыт яныгман мātэ кāтыл хилылув, ты рўпата вāруңкве пōх хōтпат ос нйврамыт вōвыглыянўв, тāнаныл олныл ойттыянўв.

– Ты рўпата вāрим, олн сэлэгыт?

– Олн мощ сэлэв, тувыл мāнь ййвыт ёмашакв вос яныгмасыт, тув ул вос тōссыт, акваг уральтаңкве эрэгыт. Тамле рўпата вāрим акваг сāv ёр пинэв. Питомник-мā кўщажув тав āтятэ мāнь ййвыт янмалтаңкве овылтахтас, сāv тāl тох рўпитас ос ётыл пōхын минос. Тувыл пыге вуйхатас, ань тав ты яныг рўпата вāритэ, ййвыт сāvмалтаңкве нety.

Людмила ТЕТКИНА

Нэг-хумыг аквьёт рүпитэг



З.И. Сандрина ос П.Е. Сюлись

Ты хурит пöслым ханты нэг-хумыг намагён Зоя Ильинична Сандрина ос Павел Егорович Сюлись. Тэн пүркат тыналым савсыр үсытт яласэг. Ханты-Мансийск үсн төванакт өс ёхталэг. Тэн ётэн үсувт тыналахтын вәрмаль олум порат вәщиныхатасум, халувт мощ потыртасүв.

Нэкве такви урыл тох лавыс:

– Ам намум Зоя Ильинична Сандрина, амти бпарищ намум Ребась. Мән павылт самын патсум, павлув тох лававе – Усть-Войкары, Нёр ляпат үнлы. Омагум-атягум хул алышлан хөтпаг рүпитасьг. Атям хосат атим, омав эщув палт Мужи павылт ань олы.

Тав 81 талэ төвлыс. Хумус тав хум вәрыс, тох потырталыс. Тав хайталыма порат аты ти-

тыглавес, кәсащи ман ати. Аквмат порат мәнълат хум тав магсылэ ты ёхтыс. Аги таве хунь кәсаластэ, номтэ щаратпатыс. Тувыл хоталь вәрхаты, мөт павылн та тотвес. Тэн сав тал хул алышлан мят рүпитасьг, нила аги янмалтасьг, ам щар яныг.

Восяхово павылт школат ханищтахтасум, астламум юи-палт Тюмень үсн ми-насам, тот тентыт юнтнэ хөтпаг ханищтахтасум. Юв ёхтысум, тара хум вәрсум. Ойкам наме Николай Андреевич Сандрин олыс.

Акван-минамумён юи-палт тара сәлыңколн тотвөсум. 1981 талт яныг агимен самын патыс.

Төнт мән пиркатав сака элы мят олыс, павылт мус хоса минуңкве. Яныгпала нэквет аномн нётсыт, ёрнколт агим самын та патыс. Та юи-палт пыгум өс ёрнколт самын патыс.

Лов тал сәлыңколт рүпитасум, тувыл павылн та олмыгтасум, мән няр-раманум пуссын павылт пүльницат самын патсыт.

Ойкам атимыг ёмтыс, ам павылт сатхуйплов тал пүльницат рүпитасум, тувыл пенсиян ми-насам. Агиянум Мужи павылн олмыгтасыт, ам ос тән палтаныл ёхтысум.

Тыт Павел Егорович Сюлись ёт акван-хөнт-хатсумён. Тав өс мән павлувныл олы. Аквьёт школат ханищтахтасмён, тав аномныл акв талэ мәннуве. Мощёрт хус талыг ты ёмты аквьёт-өлнэмён. Тав аномн акваг нёты. Ам пүркат юнтэгум, тав ос тәнаныл патыт-тыянэ. Савсыр яныг үсытн ялантымён, тот тыналах-тымён.

Ойкатэ Павел Егорович Сюliness потыртаңкв өс вөвыслум. Тав ос тох лавыс:

– Ам Зоя хосат тагыл вәглум, тав ам нупылум сака ат сунсыс. Атпан нупыл нила тәлум төвлыс, төнт ущ тав ётэ акван-минасамён. Мужи павылт акван-хөнтхатсумён. Олнэ кол ёвтсумён, тув олмыг-тасмён. Ам тот мащтырлан колнакыл вәрыслум, тот ты аквьёт щаквщимён.

Мән Ямал мав янытыл сәлың махум каснэ вәр-маляныл акваг вәрыгла-вет, тән хөт акван-атха-



З.И. Сандрина

тыглэгыт, тот ты мён сав сәлы кот ёвтымён. Зоям котыт такви тынтлыянэ, пүркат юнты, ам ос пат-тал юнтыянум.

Хул алышланкве, вө-раяңкве аквьёт ялымён, вөркол ат оньщимён, парщин-колтөлымён. Пил вәтуңкве ос нярн ялымён, тот тасавит пил та яныгми.

Тув туп мән ялантэв, төва талытт морах магыс хурум щёс тув ялантэв, та-савит пил та олы. Щёмьяв яныг, хөтпа сав, пилыт ат тыналыянүв, манти юв-тэганүв.

Ты ханты нэг-хумыг сас сака нёмса хөтпаг. Ханты-Мансийск үст яр-марка олум порат тән сөпак тйврын пиннэ сәлы төвьылыл яктым сов-лөмтыт сав тыналасьг. Та хөталт кон сака ащирма-ңыг олыс, үст өлнэ мир маттем та ёвтсыт.

Тох ты сосса махманув өлэгыт, нётмиил сака ат үрөгыт, танти рүпитэгыт, танти вәрум пормасаныл тыналыяныл.

**Валентина
ВАСИЛЬЕВА**

Нөлквәлыг үрнэ хөтпәт урыл

Мәнь таквс этпос холнэтэ порат водителиг өлнэ мәхум янытлан хөталаныл өлы. Хунь өвыл машинат нэҗгысыт, водителиг өлнэ хөтпәт өс та пәсныл өлэгыт.

Ты пәс тәгыл өлнэ рүпата, мәньщи хөтпа ләви – нөлквәлыг үрнэ хум манос машинал шуртнэ хөтпа. Машинал шуртнэ хумыг өлнэ хөтпәт сәвсыр машинал яласэгыт: ман тракторыл, ман автобусыл, ман таксил. Ты пуссын эрнэ яласан ёрыт. Ань йист машина ёр тәл элумхөлас өлуңкв ат хәсы ос ат вәрми.

Вөр мәт элын өлнэ мәнь пәвлытт өс сәвсыр техника өлы, мәхум сәвсыр машинал яласэгыт ос рүпитэгыт.

Ты урыл Хулюмсүнт пәвлыт өлнэ «Газпром» тармыл водителиг рүпитан мәхум ТС УТТ и СТ (Управление технологического транспорта и специальной техники) пәвылкант суссылтап вәрыгласыт.

Водителиг рүпитан мәхум манхурип техникал яласэгыт, рүпитэгыт – пәвлың мәхумн суссылтан мәгыс пуссын хара пәвылканын үнтталалвөсыт.

Вәим, вөр мәт ос лөх тәл мәт өлнэ пәвлыт туп яныг ёр техника вәрми рүпитаңкв.

Ты хөтпәт – кос лөх щөпитан бульдозерыл, кос сэй хартнэ самосвалыл, кос мәхум тотыглан камазыл ман автобусыл яласан хөтпәт – пуссын кәсың әлпыл лөккар нән сунсавет, тувыл ущ рүпатаң тәратавет.



Няврамыт пәслум хуриг.



Вагапов Тимофей, 5 тәлэ, әтәтэ яласан яныг машина щәцквәтэнтыл пәсласы

Машинал шуртнэ хөтпаг рүпитан вәрмәль – мак тәрвитаң ос эрнэ рүпата. Водителиг өлнэ хөтпа тав сәвсыр эрнэ пормас харты, рүпитан хөтпәт рүпата мәныл мус өс акв ювле тоты, сәвсыр хурахлым өщнэ пормас тотыглы, тувыл яласан лөңхыт өс акв тән уральтыяныл ос щөпитыяныл.

Нина Николаевна Гадебская «Газпром» здравпункт пүльницат лөккар нэҗ өлы, тав сәв тәлыг ёмтыс, водителиг өлнэ хөтпәт ёт рүпиты ос тамле стихотворение тән уранылтыл хансыс.

Тыхөтал мәшинал шуртнэ хөтпәт ам янытлыянум!

Ос атхунь, тән щәняныл-әщаныл өс.

Хум мәхум, нән янытлан хөталынт

Өлнэ-хүлнэ лөңхыт

Туп элалы миннэ пос вос посты!

Танкистыг өлнэ хөтпәтн

Ам ощатахтыглан ләтың: «Ура!» - ләвөгум.

Тән рүпатаныл, алам,

Щар тәрвитаңквө, мәхум!



Тән рүпатаныл ам әтэ потыр хосыт вәглум,

Вәтихал тән рүпатаныл урыл

Потыртэгыт әнумн.

Ам вәглум, ат урркөгыт тән.

Това порат өлыгләлы, Таяныт вәгыл ёл-щалтэгыт,

Пөлям витта тох та сусыгтэгыт тән.

Самиң яңкылмат ёлнопи иснасанэ мус.

Эла-ювле няр хосыт минуңквө вос вәрмыс,

Няр тарыг пыгыт хосыт хартахатуңквө эри.

Мәнь таквс этпос пәсныл

Тэлы лөңх та өвылтылың вәруңкв.

Вәт сәграпнал этпост тынтәл калпас мәгыс

Вос тәлматасыт мәхум.

Мирын яныг пәрыс вәрнән мәгыс,


Сәт атыт хөталэ өс ущлахтын хөталыг вос вәравө нәнан.

Пустәгыл өлән!

Элалы өлнэ ёр посын нәмхуньт ул вос харыглы!

Анна АЛГАДЬЕВА

Няврамыт ханищтас ос нэпакыт тәратас



Няврамыт ханищты



Н.К. Филиппова ос П.В. Филиппов

Пёс порат мәнщи ләтңың ханищтан хөтпа сәвнүв ылыс, тән няврамыт ханищтасыт, сәвсыр рүпата вәрсыт ос ханищтан нэпакыт хассыт. Ань ты накт Саранпәвылт Наталья Кирилловна Филиппова әтимыг ёмтыс. Тав урётыл әгитә Любовь Стаканова пищма тётис.

Наталья Кирилловна такви бпарищ наме Вынгилева ылыс, тав 1932 тәлт яныгпөль этпос атыт щислатсамынпатыс. Әтятә Кирилл Петрович Вынгилев, ома тә Парасковья Самсоновна Курикова Няхлаң пәвылт ылыс.

Ат тәлэ яныт порат оманыл әтимыг ёмтыс. Әтянылн, ос ётыл оныганылн та янмалтавёсыт. Ханищтахтуңкве тав Кульпас пәвылн тотвес, тот нулевой класс ханищтахтас, тувыл тәнти пәвланылт школа рүпитаңкве патыс, Няхлаң пәвыл няврамыт тув ялантасыт.

Наталья, хунь 3-4 классыт ханищтахтас, учителен тетрадит уральтаңкве нётис. Төнт ханищтан нэныл наме Анастасия Семёновна Исыпова ылыс. Тав нупылэ сунсым мән Наталья ыс тамле хөтпа рүпитаңкве таңхыс.

Тав сәт класс 1947 тәлт әстлас. Ос маныр элаль вәруңкве? Ты урыл Наталья Кирилловна тох потыртәлыс: «Ам мөт няврамыт ёт К.В. Голованован ос А.В. Голошу-

бинын «Пётр Шлеев» нәиңхәпыл Хәльүс мус тотвёсум.

Номилум, ләглагумт матырма тав яныг патинкаг масым ылыс, ам нуйсахим ёт-вислум, ос Ханты-Мансийск мус аты масыгласлум. Хәльүсныл мән Пётр Кимлобозов ёт нәиңхәпыл миносүв, Самарово тәлтын эти ёхтысүв, турман, нәматыр ат нәңки.

Мән хот ул вос тыпёв, Пётр пүтсов нәлыл рәтащлым мән элы-пәлувт ёмыс, мән тав юи-пәлэ т миносүв. Тох ам педучилицат ханищтахтуңкве патсум».

1952 тәлт әги училище әстластә ос Сүкырьян минуңкв ёмталас. Училище кұшай хум Г.Т. Величко Натальян ләвыс элаль ханищтахтуңкве, ос тав Ленинградүсна.И.Герцен институтн та минос. Тав тәлыт урыл тох ләвыглас: «Ленинградыт ханищтахтамум ос ылым тәлыт шар ёмасыт ылыс, ты әти туп ам тәланум, мөт лүймә мир студентыт ыс тох ёмщакв тот ысвёсыт».

Институт әстламе юи-пәлт, 1956 тәлт тав Саранпәвылн рүпитаңкве тётвес. Тав ётә ёхтум тит әгияге У.Н. Зуева ос Т.П. Стрельцова ёт тән Арда-лыон Вокуюев колт ылуңкве ләввёсыт. Тав кол тәра кәсың әлпыл акв мәнчат пыг рүпитаңкве ялантас, тох тән вәйхатуңкве патсыг ос Павел Филиппов ёт акван-миносыг.



Л. Стаканова тегум хурит

Н.К. Филиппова Вера ос Любовь әгияге ёт

Наталья Кирилловна налыман нупыл акв тәл школат няврамыт ханищтасанэ. Сәвсыр янытлан нэпакытыл майлувес. Такви рүпитан мәхманэ халт тав сака янытлавес, ханищтахтын няврамытын эруптавес, тав ләтңён хунтлысыт.

Тав порат сәвсыр общественный рүпата вәруңкве эрыс. Мәнщи ләтың урокыт мәгыс учебникыт хансыс, тав ылыл классытыт няврамыт ханищтан нэпакыт вәрыглас. Ты нэпакыт хосыт сәв няврам ловиньтаңкве ханщувласыт ос элаль ханищтахтасыт.

Наталья Кирилловна рүпататә урыл тох потыртәлыс: «Ам школат 7, 8, 9 классытыл майвёсум. Төнт 9 классыт ам Граня Кобылина (Киселёва) ёмщакв номилум, 8 классыт – Ермолай Ануфриев, Саша Вокуюев, Семен Патраков, мөт классыт ёмщакв ханищтахтам няврамыт ыс ылыс.

Таквсы мощ ханищтахтасүв ос картопка нөхвиңкве Сүкырьян тётвёсүв, мән тот татем молях рүпитасүв. Ётыл кәсың таквс совхозт картопка хилуңкве ялантасүв. Ань ам ханищтам хөтпанум кәсалыянум, номтум татем ёмас, кәркам, хөтпа нупыл ёмас элумхөласыг тән яныгмасыт».

Кәсың туи ыкатәнтыл ос нявраманән ёт Няхлаң пәвылн ялантасыт, тав әтятән нётсыт, рүтаныл ёт хөнтхатыгласыт. Ты ятил учителюв мән таквс этпос әтимыг ёмтыс, тавён яныгсәт нупыл тит тәл төвлыглас, тав сәв мәхум ёмас номтыл номияныл.

Любовь Стаканова
потре **Г. КОНДИНА**
мәнщи ләтңыл хансысә

Ханты мәхум хансат

Касум павылт ханты мәхум пёс йис вәрмаяныл нөх-вөрмалтым савсыр рүпата вәрөгйт. Ты урыл мәнәвн Марина Канева пицма тётис. Тав тох хансыс:



– Ты мән шар Өвил вәрмалюв округ күщай грант-олн хосыт вәрилүв. Таве «Арт-мастерская» колувт Өвилтаслүв. Мән палтув янгыщ Касум павыл интернатит Өлнә нъяврамыт ёхталэгйт, тән ётаныл савсыр щирыл щаквщөв. Ты савсыр яныт агирищит ос пыгрищит танти культурал пүмщалахэгйт, матыр-ати вәруңкве кәсащөгйт.

Ань павыл школавт 176 нъяврам ханищтахты, тән халанылт атпан – интернатит Өлэгйт. Ты мөт мән павылтныл ос вөрт Өлнә салың мәхум тыг тотым агирищит ос пыгрищит.

Нъяврамыт онтолов этпос сыс юн ат Өлэгйт, оманыл-әтяныл, рүтаныл тәл кәсаныл холэгйт, таимәгсыл тыг вөвсанув, «Хантыйские узоры» ханищтап вәрсүв. Мән номсэв, тох щаквщим нъяврамыт танти йис Өлупсал пүмщалахтуңкве патэгйт.

Мән ты сыс хөтхуйплов савсыр ханищтапыт вәрыгласүв. Сәс тармыл хорамыт щуртуңкве нъяврамыт ханищтэв, акань мәгсыл төр пөриөв, хорамыл юнтылүв, тащирыл аканит вәрөв.

Юнтуп түщтын ут нуйныл юнтэв, ханты ләтңыл «намат» ләваве. Ты коньпал мән пәртлөмтыт тармыл пөслэв, тох агирищит ос пыгрищит номсахтэгйт, танти матыр номылматэгйт.

Яныгнув агит ос пыгыт танти хансат номылматэгйт, йильпи ханса вәрөгйт, мән нъяврамыт нас пөслэгйт ос Өльпыл сар-



Нъяврамыт ханищтавет

тыяныл. Исум аны унттын нөтнә пәртлөмтыт вәрөв, тән татем щәгтэгйт.

Касум школат ханищтахтын нъяврамыт ёт өм-

щакв рүпитэв, тән ётаныл тасавит ёмас тәла вәрсүв, тән ань хансат наманыл вәганыл, хоты ханса хотал пөслүңкве, юнтуңкве рөви, таи мән тәгыл вәгйт. Хоты ханса маныр мәгсыл вәраве, хоты хөтпан тав рөви манос ат рөви, та урыл потыртасанүв.

Ань йис агирищит торың щирыл юнсахтуңкве шар ат хәсэгйт, юнтуп пууңкве ат вөрмөгйт. Мән агирищтөнүв ёмщакв ханищтыанүв, ань сәтап пуптуңкве, туля ёт юнсахтуңкве ханьщувласыт.

Төваныл татем ёмщакв юнсахтуңкве патсыт. Тыгыл элаль тах кәсың аги такви акань ос юнтуп түщтын ут юнтуңкве тах вөрми.

Марина Канева
Касум павылныл тётум пицматэ
Г. КОДИНА
мәнщи ләтңыл хансытэ



Лүймә сәрипос
(Северная зоря)
№ 21 (1327), 07.11.2024
Соучредители
Дума, Правительство
ХМАО – Югры
Издатель
Департамент внутренней
политики
ХМАО – Югры

Редакция
ВРИО главного редактора –
Рагимова Н.В.
Телефон (3467) 33-24-02
Заместитель главного редактора –
Кодина Г.Р.
Телефон (3467) 33-22-72
Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г. Ханты-Мансийск,
ул. Комсомольская, 31
тел./факс (3467) 33-17-52
E-mail: gazeta@khanty-yasang.ru
Газета размещена на сайте
www.khanty-yasang.ru
Отпечатано:
ООО «Новости Югры-
Производство» г. Сургут,
ул. Маяковского, д. 14.

Индексы 04399, 54399
Тираж 1710 экз.
Заказ 4887
Цена свободная
Мнение авторов
публикаций не
обязательно отражает
точку зрения редакции.
Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.
Свидетельство
о регистрации
ПИ №ТУ 72-00795
от 23 января 2013 г.

12+

Хұлың тәннут щәпитан хумығ

Тәннут вәрнә суссылтапын Ханты-Мансийск үсн кәсың порат мәхум сәв мәныл җхталәгыт, тамле тәла тәл сыс кит-хұрум щәс вәрыглаве. Евгений Юрьевич Иванов Ямал мәныл җхталас, тав «Пур-Рыба» хұл щәпитан кол кұцаиг җлы. Хум тәлатә урыл китыгласлум, тав тох потыртас:

– Мән тыг Ямал мәныл Пуровский район Тарко-Сале пәвилныл җхтысүв. «Пур-Рыба» нампа колт сәвсыр хұлың тәннутыт вәрөв. Ты кол 1972 тәл пәсныл рүпиты, җвләт Пуровский рыбзаводыг ләввес, җтыл ООО «Пур-Рыба» намаявес.

Тәл сыс мән 500 арыгтем тонна хұл щәпитәв, 180 арыгтем сәвсыр тәннут вәрөв. Юн пәйтнә мәгыс пельменит, сакватым хұл, сыре-сыр котлетат вәрөв, тувыл хұл солвалтәв, пәйтәв, пәнкатын пиныанүв-пантыанүв. Тувыл вәрнә тәннутаңу в ләпкатын то-тыанүв. Тарко-Сале үст җлнә «Пур маркет» ләпкав 2024 тәлт Министрство торговли пәлыл «Лучший

магазин» янытлан нәпакыл майвес. Ань Россия янытыл җлнә ләпкат халт касыл вәрыглавес, мән ләпкав нөх-патыс. Салехард үст ос Ханымей пәвилыт ләпкаг җныщөв, ақв ләпкав ос Москва үст җлы.

Мән предприятиявт хөтпан арыгтем әлум-холас рүпиты, янгыщ җрн хөтпат. Тән хұл яқтуңкве сака хәсәгыт, кәркам хөтпаквет.

– Хұл нәнти алыщләгың?

– Әти, хұл алыщлан җбцинат палт җвтәв. Мәнти Пуровский районувт, мәхум хұл алыщләгыт кос, җвтәв, ос мәк сәв хұл мән лүй җр нупыл җлнә хұл алыщлан мәхум палт



Е.Ю. Иванов

җвтыгләв – ты Тазовский, Приуральский ос Шу-рышкарский районуыт.

Тамле суссылтапытн вә-тихал ялантәв. Мөлты порат тәннутаңу в Челябинск үсн тотыгласанүв, тот сөрни мөталитыл майвесүв, вәрнә тәлав янытлавес. Хунь тох яласәв, мәнти вәрум тәннутаңу в суссылтыанүв, ань мирн вос вәвет, тувыл мән җс мөт мәхум щәпитам тәннутаңу в сунсыанүв. Халанувт вәйхатәв, хотьют хумус рүпиты, потрами, матыр-әти хұлтыгы, хан-иштахтәв.

Хұл тыналан мәнылат хум

Борис Валерьевич Бубон җс «Пур-Рыба» колт рүпиты. Мәнылат хум хұл тыналым лүляхблыс, таве китапаслум, хұлың мәт рүпитанкве улпыл җмас, пұмыщ? Борис ювле щәг-тым потыртас:

– Вәим, җмас, мән хұланув пуссын сертификат качества пөс җныщөгыт. Ань китыт тәл йильпи колт рүпитәв, хұл нильнә, хұл яктын мәгыс сәвсыр җрнә мәшинат җвтвөсыт, рүпитанкве кустыр.

Пәнка тйвырн хұл пөс щирыл пантәв, рущщирыл ГОСТыг ләваве. Тамле ләтңыл мәк җрнә щирыл вәрнә тәннутаңу в ләвавет.

Мән консервный тәннутаңу в сака атыңыт, суссылтапыт җлнә порат җс ақваг янытлавет. Сәв тәннут пләнка тйвырн пинәв, тох тыналыанүв. Тувыл ань сәвсыр йильпииг квалтапаптым утыт хурип хұлың тәннут вәрөв – чипсат, палочкат, снеки, та маныр. Тамле тәннут мәхум сака җруптәгыт, җвтәгыт. Няврамыт җс ләпкан вә-тихал щалтапәләгыт, матыр выгыт, тувыл төвтащ-лахтым та җмыгтәгыт.

– Наң ты әлы-пәлт Ханты-Мансийск үсн җхталасың?

– Тамле суссылтапыт мән мәхманув тыт сәв щәс җлсыт, ам ос җвил щәс җхтысум. Тыт ам сәв пұмыщ тәла кәсаласум, җмас хөтпатәт вәйхатасум. Нән үсын сака нөтнә, тыт сымың мир җләгыт.

Ам лүй мәт лов тәл җләгум, ты мә сака җрупт-ылум. «Лүймә сәрипос» газета ловиньтан хөтпатынтаиләвөгум, Ямал мән, Тарко-Сале үсн, мүйлуңкве җхталән. Мән мәвт сымың мәхум җләгыт, ос мәк таи, мән «Пур-Рыба» колувт сака атың хұлың тәннут вәрөв. Мән палтув җхталән, хұлың тәннут тәпьялән.

Светлана
РОМБАНДЕЕВА



Б. Бубон хұл тыналы